

## Siunnersuut: Isiginnaartitsisarfeqarneq pillugu Inatsisartut inatsisaat

### Kapitali 1

#### *Siunertaq nassuiaatillu*

§ 1. Inatsisartut inatsisaata siunertaraa inuussutissarsiutigalugu isiginnaartitsinikkut eqqumiitsuliornerup inatsisitigut killiliussivigineqarnissaata qularnarnissaa, isiginnaartitsisarnermi kulturip siuarsarnissaa, kiisalu inuussutissarsiutigalugu namminerlu kajuminnikkut isiginnaartitsinikkut eqqumiitsuliornerup nuna tamakkerlugu siuarsarlugulu ineriartortinnissaa.

§ 2. Isiginnaartitsinikkut eqqumiitsuliorneq paasineqassaaq tassaasoq eqqumiitsuliornikkut saqqummernerit sugaluartulluunniit.

*Imm. 2.* Inuutissarsiutigalugu paasineqassaaq tassaasoq isiginnaartitsisartoq ilinniarsimasoq imaluunniit allatut isiginnaartitsinikkut eqqumiitsuliortoq, kiisalu isiginnaartitsisartoq imaluunniit allatut isiginnaartitsinikkut eqqumiitsuliortoq ukiuni arlaqartuni qaffasissumik eqqumiitsulioriaaseqarluni nammineq peqataanermigut akuerisaasimasoq.

*Imm. 3.* Nammineq kajuminnermigut ingerlataqartoq paasineqassaaq tassaasoq, inuk sunngiffimmini isiginnaartitsinikkut eqqumiitsuliornermik ingerlataqartartoq imm. 2-milu pineqartunut ilaangitsaq.

### Kapitali 2

#### *Kalaallit Nunaata Isiginnaartitsisarfia*

§ 3. Kalaallit Nunaata Isiginnaartitsisarfia tassaavoq pisortat suliffeqarfiutaat nammineertoq.

§ 4. Kalaallit Nunaata Isiginnaartitsisarfia siulersuisunit ataatsimoorlutik isiginnaartitsinermik ingerlataqarnermik annertuumik ilisimasaqartunit aqutsinermillu paasisimasaqarluartunit tallimanik ilaasortaqtartumit aqunneqarpoq.

*Imm. 2.* Naalackersuisut inassuteqartoqareerneratigut ilaasortassanik imatut toqqaassapput:

- 1) ilaasortaqtataaseq KAISKA-mit (Kalaallit Isiginnaartitsisartut Kattuffiat) inassutigineqartoq,
- 2) ilaasortaqtataaseq KANUKOKA-mit (Kalaallit Nunaanni Kommunit Kattuffiat) inassutigineqartoq,
- 3) ilaasortaqtataaseq Kalaallit Atuakkiortut inassutigisaat,
- 4) ilaasortaqtataaseq namminneq kajuminnermikkut isiginnaartitsisartut kattuffiannit inassutigineqartoq, aamma
- 5) ilaasortaqtataaseq Kalaallit Nunaata Isiginnaartitsisarfianni sulisunit inassutigineqartoq.

*Imm. 3.* Ilaasortat toqarneqartut akornannit ilaasortaqtataaseq siulersuisut siulittaasuattut Naalackersuisunit toqarneqassaaq.

*Imm. 4.* Namminneq kajuminnermikkut isiginnaartitsisartut kattuffeqanngippata nammineq kajuminnikkut isiginnaartitsisarnermik ingerlataqarnermik paasisimasaqartumik ilaasortassamik ataatsimik Naalackersuisut toqqaassapput.

*Imm. 5.* Imm. 2, nr. 5-imi ilaasortaqtataaseq inassutigineqartoq Kalaallit Nunaata Isiginnaartitsisarfianni aalajangersimasumik suliffeqartut akornannit taakkunangalu qinerneqassaaq.

*Imm. 6.* Ilaasortat Kalaallit Nunaanni najugaqartuussapput, 18-inik ukioqalereersimassallutik aammalu Naalackersuisunut Inatsisartunulluunniit ilaasortaassanatik.

*Imm. 7.* Siulersuisut akunnerminni siulittaasup tullianik toqqaassapput.

*Imm. 8.* Ilaasortat ukiuni sisamani qaammatisiutit ukiuannik malinniffiusuni atuuttussatut toq qarneqassapput. Taamaallaat ataasiarluni toqqaqqittoqarsinnaavoq. Siulersuisuni ilaasortaq imaluunniit sinniisussaq peqataalersimasoq siulersuisuni akisussaaffimminik annertuumik sumiginnaasimasoq allatulluunniit siulersuisutut suliamik ingerlataqarnissamut naleqqukkunnaarsimasoq Naalakkersuisunit tunuartinneqarsinnaavoq.

*Imm. 9.* Naalakkersuisut siulersuisut aningaasarsiassaata aamma siulersuisunut ilaasortat aningaasartuutiminnut taartisiassaata tassunga ilanngullugit ilaatigut angalanernut, nerisaqarnermut aamma Kalaallit Nunaata Isiginnaartitsisarfiani suliaminni najugaqarnerminnut aningaasartuutaat pillugit aalajangersakkanik aalajangersaasinnaapput.

**§ 5.** Siulersuisut tassaapput Kalaallit Nunaata Isiginnaartitsisarfiani aqutsisut qullersaasut, aamma Kalaallit Nunaata Isiginnaartitsisarfiaata ingerlanneqarnera pillugu aalajangersakkat malinneqarnissaannut Naalakkersuisunut qullersaallutik akisussaasut.

**§ 6.** Isiginnaartitsivimmi pisortap inassuteqareerneratigut, siulersuisut Aningaasanut inatsimmi killiliussat iluanni ukiumut isiginnaartitsissutigineqartussatut pilersaarutit aammalu aningaasatigut missingersuutit aalajangiiffigissavaat.

*Imm. 2.* Siulersuisut isiginnaartitsivimmi pisortaq ukiuni sisamani atorfeqartussaq atorfinitsissavaat, atorfeqartitsineq sivitsorneqarsinnaavoq.

*Imm. 3.* Siulersuisut suleriaasissartik nammineq aalajangersassavaat.

**§ 7.** Isiginnaartitsivimmi pisortap Kalaallit Nunaata Isiginnaartitsisarfiaata ulluinnarni aquneqarnera isumagisaraa aamma aningaasatigut missingersuutitut isiginnaartitsissutigineqartussatullu pilersaarutissanut siunnersuusiortassalluni.

*Imm. 2.* Isiginnaartitsivimmi pisortaq Kalaallit Nunaata Isiginnaartitsisarfiani sulisunik allanik atorfinitsitsisartuuvog.

**§ 8.** Kalaallit Nunaata Isiginnaartitsisarfia tassaavoq Kalaallit Nunaanni Inuiaqatigiit Isiginnaartitsisarfiaat, illuinnaasiunngitsumillu isiginnaartitsinikkut eqqumiitsuliornerup iluani eqqumiitsuliornikkut pitsaassuseqarluartumik isiginnaartitsissutigineqartussanik pilersitsisassalluni. Kalaallit Nunaata Isiginnaartitsisarfiaata ingerlatsinera kalaallit kulturiannik ileqquinillu aammattaarli nunanut tamalaanut sammisumik aallaavittut tunngaveqassaaq ilutigisaanillu qanorluunniit ukiulinnut tamanut takutitseriaatsit tamatigoortut isumagissallugit.

**§ 9.** Kalaallit Nunaata Isiginnaartitsisarfiaata pilersitani inunnit amerlasuunit isiginnaartitsisarnikkut takuneqarsinnaasunngortissavai, tassunga ilanngullugit aliikkusersuinialuni angalasarnerit, radiukkut tv-kkullu aallakaatitsisarnerit, kiisalu immiussanik tuniniaasarnerit.

*Imm. 2.* Kalaallit Nunaata Isiginnaartitsisarfiaata aliikkusersuinialuni angalasarnermigut nuna tamakkerniassavaa. Tamatuma saniatigut Kalaallit Nunaata Isiginnaartitsisarfia nunani allani aliikkusersuinialuni angalasarsinnaavoq.

**§ 10.** Suliareqquneqartut naammassineqarnissaannut Kalaallit Nunaata Isiginnaartitsisarfianut ukiumoortumik aningaasaliissutit aningaasanut inatsisikkut aalajangersarneqassapput.

*Imm. 2.* Aningaasaateqarfinit aningaasaliinerit allatullu avataanit aningaasaliinerit killilersorneqanngitsumik Kalaallit Nunaata Isiginnaartitsisarfianit atorneqarsinnaapput.

*Imm. 3.* Kalaallit Nunaata Isiginnaartitsisarfiaata naatsorsuutitut ukioraa ukioq aningaasanut inatsiseqarfiusoq. Missingersuusiortarneq, naatsorsuuserisarneq aamma naatsorsuutitik saq-

qummiussisarneq pillugit aalajangersakkat Namminersorlutik Oqartussanut sukkulluunniit atuuttut Kalaallit Nunaata Isiginnaartitsisarfiata malissavai.

### **Kapitali 3**

#### *Isiginnaartitsisartunik ilinniartitsineq pikkorissaasarnerlu*

§ 11. Kalaallit Nunaata Isiginnaartitsisarfiata isiginnaartitsisartutut ilinniagaq aqqutigalugu isiginnaartitsisartussanik ilinniartitsinissaq suliassaraa.

*Imm. 2.* Naalakkersuisut Ilinniartitsinermut Siunnersuisoqatigiit, isiginnaartitsisartutut ilinniakkap pitsaasuunissaata qularnaarnissaanik siunertaqartut pilersissavaat. Naalakkersuisut Ilinniartitsinermut Siunnersuisoqatigiit katitigaanerata sulinerallu pillugit malittarisassanik aalajangersaassapput.

*Imm. 3.* Kalaallit Nunaata Isiginnaartitsisarfia isumasioreerlugu Naalakkersuisut isiginnaartitsisartunik ilinniartitsineq pillugu erseqqinnerusunik aalajangersaassapput, tamatumunnga ilanngullugit ilinniartussanik akuersisarneq, ilinniartitsineq aamma soraarummeernermut uppernarsaatit. Kalaallit Nunaata Isiginnaartitsiviata Ilinniartitsinermut Siunnersuisoqatigiit tusarniaaffigereerlugit, isiginnaartitsisartutut ilinniarnep aqqissugaanerata allaaserinera sularissavaa, taannalu Naalakkersuisunut akuerisassatut nassiunneqassaaq.

§ 12. Kalaallit Nunaata Isiginnaartitsisarfia kikkunnut tamanut isiginnaartitsinermik ingerlataqartunut soqutigisaqartunulluunniit pikkorissartitsinermik neqerooruteqarsinnaavoq.

### **Kapitali 4**

#### *Siunnersuineq*

§ 13. Kalaallit Nunaata Isiginnaartitsisarfiata nammeneq piumassutsiminnik isiginnaartitsisarfiit, kiisalu sumiiffinni ataasiakkaani isiginnaartitsisarfiit isiginnaartitsisarfinnik ingerlatsinermik isiginnaartitsissutinillu pilersitsinermik siunnersussavai. Qinnuigineqarneq tunngavigalugu Kalaallit Nunaata Isiginnaartitsisarfiata atuarfiit ilinniarfiillu isiginnaartitsivinnik ingerlatsinermik siunnersorsinnaavai.

### **Kapitali 5**

#### *Isiginnaartitsinermik ingerlatsivinnut allanut tapiissutit*

§ 14. Isiginnaartitsinermik suliaqartunut allanut, tamatumunnga ilanngullugit sumiiffinni ataasiakkaani eqqumiitsuliornikkut isiginnaartitsinermik suliaqartunut tapiissutit kulturikkut sunngiffimmilu ingerlatsineq, kiisalu tipsernermut lottornermullu aningaasaliissutinik agguaneq pillugu malittarisassat qaqugukkulluunniit atuuttut naapertorlugit tunniunneqarsinnaapput. Tapiissutit ingerlatsinermut tapiissutit aamma pilersitsinermut tapiissutit aningaasaliissutigineqarsinnaapput.

### **Kapitali 6**

#### *Atortuulersinnera*

§ 15. Inatsisartut inatsisaat 1. januar 2011 atuutilissaaq.

*Imm. 2.* Isiginnaartitsisartutut ilinniartitsinermik pilersitsineq, tak. § 11, 1. august 2011-miit atuutilissaaq.

*Namminersorlutik Oqartussat, ulloq xx. xx 2010*

Kuupik Kleist

/

Mimi Karlsen